

以诗会友 | 上期征稿选登 | 题：月满中秋人团圆

水调歌头·中秋赏月

任恩杨

浪拍钱塘岸，雨洗越吴天。澄江如练，青岚浮雾绕苍山。白鹭渔舟烟渚，瘦柳黄沙古渡，橹动慢行船。今夜清光好，把酒对婵娟。

切新饼，分绿玉，赏青莲。银辉泻地，华夏黎庶庆团圆。遥望兰槎归去，直挂白云深处，月殿桂枝寒。应惜清平世，鸿雁寄云笺。

中秋夜

李泽虎

露冷湿阑干，清辉落水残。
天高银兔瘦，云淡碧霄宽。
醉嗅香风远，遥知桂树丹。
莫非明月里，今夕亦秋寒？

中秋感吟

陈业秀

乐在琼崖韵律留，才穿乞巧又中秋。
风生桂子香犹在，月照荷花影自幽。
碧水一池浮皓月，清辉满地映朱楼。
年年举盏银轮下，不醉今宵誓不休。

忆秦娥·中秋记梦

赵志华

西风烈，残梦惊起灯将灭。灯将灭，半醒半醉，箫声幽咽。

乡关万里梦飞越，凭栏望断中秋月。中秋月，游子心碎，思乡情切。

佳作欣赏

滕王阁怀古

张文勋

千古登临各不同，悲欢离合自匆匆。
江流天地青山外，阁耸古今碧水中。
绝代英才伤逝早，一时俊杰哭途穷。
落霞孤鹜今何在？唯见波涛动远空。

满江红·百年云南大学

何忠

东陆菁菁，期颐庆、年久意稠。
螺峰下，棠华樱灿，笑语泯愁。凤起云山梳锦绣，蛟腾滇海逞风流。
往事浮、念母校音声，闻九州。

先贤志，应已酬。学子路，望钟楼。踏遍三江水，芜尽青丘。天下至公桑梓幸，百家泽会艺才周。又登程、浇灌杏坛春，资善谋。